



孔聖金書



漢書門			
二	二	二	二
一	六	七	
三	九		
四			
三	二		
冊	架	函	號

內閣文庫			
二	二		漢
六	二		書
七	六		
函	七		
四	二		
架	冊	號	類

內閣文庫			
番號	漢	2267	
冊數	32 ( 20 )		
函號	287	66	



孔聖全書劉向說苑中卷卷之二十

淺草文庫

若道

日  
公  
何  
為  
其  
不  
博  
也  
孔  
子  
對  
曰  
為  
其  
有  
二  
乘  
哀  
公  
曰  
有  
二  
乘  
則  
何  
為  
不  
博  
也  
孔  
子  
對  
曰  
為  
行  
惡  
道  
也  
哀  
公  
懼  
焉  
有  
間  
曰  
若  
是  
吾  
君  
之  
惡  
惡  
道  
之  
甚  
也  
孔  
子  
對  
曰  
惡  
惡  
道  
不  
能  
甚  
則  
其  
好  
善  
道  
亦  
不  
能  
甚  
好  
善  
道  
不  
能  
甚  
則  
百  
姓  
之  
親  
之  
也  
亦  
不  
能  
甚  
詩  
云  
未  
見  
君  
子  
憂  
心  
綴  
綴  
亦  
既  
見  
止  
亦  
既  
覲  
止  
我  
心  
則  
悅  
詩  
之  
好  
善  
道  
之  
甚  
也  
如  
此  
哀  
公  
曰  
善  
哉  
吾  
聞  
君  
子  
成  
人  
之  
美  
不  
成  
人  
之  
惡  
微  
孔  
子  
吾  
焉  
聞  
斯  
言  
也  
哉  
○  
虞  
人  
與  
芮  
人  
質  
其  
成  
於  
文  
王  
入  
文  
王

將哀公問於孔子曰吾聞君子不博有之乎孔子對曰有之也  
公曰何為其不博也孔子對曰為其有二乘哀公曰有二乘則  
何為不博也孔子對曰為行惡道也哀公懼焉有間曰若是吾  
君之惡惡道之甚也孔子對曰惡惡道不能甚則其好善道  
亦不能甚好善道不能甚則百姓之親之也亦不能甚詩云未  
見君子憂心綴綴亦既見止亦既覲止我心則悅詩之好善道  
之甚也如此哀公曰善哉吾聞君子成人之美不成人之惡微  
孔子吾焉聞斯言也哉○虞人與芮人質其成於文王入文王

之境則見其人民之讓爲士大夫入其國則見其士大夫讓爲公卿二國者相謂曰其人民讓爲士大夫其士大夫讓爲公卿然則此其君亦讓以天下而不居矣二國者未見文王之身而讓其所爭以爲閑田而反孔子曰大哉文王之道乎其不可加矣不動而變無爲而成敬慎恭己而虞尚自平故書曰惟文王之敬忌此之謂也○孔子曰文王似元年武王似春王周公似正月文王以王季爲父以太任爲母以太姒爲妃以武王周公爲子以泰顛閔天爲臣其本美矣武王正其身以正其國正其國以正天下伐無道刑有罪一動天下正其事正矣春致其時萬物皆及生君致其道萬人皆及治周公哉已而天下順之其誠至矣○孔子曰夏道不亡商德不作商德不亡周德不作周德不亡春秋不作春秋作而後君子知周道亡也故上下相虧也猶水火之相滅也人君不可不察而大盛其臣下此私門盛而公家毀也人君不察焉則國家危殆矣管子曰權不兩錯政不二門故曰脛大於股者難以步盛大於臂者難以把本小末大不能相使也

臣術

子貢問孔子曰今之大臣孰爲賢孔子曰吾未識也往者齊有鮑叔鄭有子皮賢者也子貢曰然則齊無管仲鄭無子產乎子曰賜汝徒知其一不知其二汝聞進賢爲賢邪用力爲賢邪子曰

貢曰進賢爲賢子曰然吾聞鮑叔之進管仲也聞子皮之進子  
產也未聞管仲子產有所進也○簡子有臣尹綽赦厥簡子曰  
厥愛我諫我必不於衆人中綽也不愛我諫我必於衆人中尹  
綽曰厥也愛君之醜而不愛君之過也臣愛君之過而不愛君  
之醜孔子曰君子哉尹綽而嘗不譽也○子貢問孔子曰賜爲  
人下而未知所以爲人下之道也孔子曰爲人下者其猶土乎  
種之則五穀生焉掘之則其泉出焉草木植焉禽獸育焉生人  
立焉死人入焉多其功而不言其猶土乎○子路爲蒲令備水  
災與民春脩溝瀆爲人煩苦故予人一簞食一壺漿孔子聞之  
使子貢復之子路忿然不悅往見夫子曰由也以暴雨將至恐

有水災故與人脩溝瀆以備之而民多匱於食故與人一簞食  
一壺漿而夫子使賜止之何也夫子止由之行仁也夫子以仁  
教而禁其行仁也由也不受子曰爾以民爲餓何不告於君發  
倉廩以給食之而以爾私饋之是汝不明君之惠見汝之德義  
也速已則可矣否則爾受罪不久矣子路心服而退也

建本

孔子曰君子務本本立而道生夫本不正者末必倚始不盛者  
終必衰詩云原隰既平泉流既清本立而道生春秋之義有正  
春者無亂秋有正君者無危國易曰建其本而萬物理失之毫  
釐差以千里是故君子貴建本而重立始○孔子曰行身有六

本本立焉然後為君子立體有義矣而孝為本處喪有禮矣而  
哀為本戰陣有隊矣而勇為本治政有理矣而能為本居國有  
禮矣而嗣為本生才有時矣而力為本置本不固無務豐末親  
戚不悅無務外交事無終始無務多業聞記不信無務多談比  
近不說無務脩遠是以反本脩邇君子之道也天之所生地之  
所養莫貴乎人入之道莫大乎父子之親君臣之義父道聖子  
道仁君道義臣道忠賢父之於子也慈惠以生之教誨以成之  
養其義裁其偽時其節慎其施子年七歲以上父為之擇明師  
選良友勿使見惡少漸之以善使之早化故賢子之事親發言  
陳辭應對不悖乎耳趣走進退容貌不悖乎目卑體賤身不悖

乎心君子之事親以積德子者親之本也無所推而不從命推  
而不從命者惟害親者也故親之所安子皆供之賢臣之事君  
也受官之日以主為父以國為家以士人為兄弟故苟有可以  
安國家利民人者不避其難不憚其勞以成其義故其君亦有  
助之以遂其德夫君臣之與百姓轉相為本如循環無端夫子  
亦云人之行莫大於孝孝行成於內而嘉號布於外是謂建之  
於本而榮華自茂矣君以臣為本臣以君為本父以子為本子  
以父為本棄其本者榮華槁矣○曾子芸瓜而誤斬其根曾哲  
怒援大杖擊之一作曾子嘗有為不曾子仆地有頃而蘇蹙然  
而起進曰曩者參得罪於大人大人用力教參得無疾乎退屏

孔子全書 卷四  
四  
鼓琴而歌欲令曾皙聽其歌聲而知其平也孔子聞之告門人  
曰參來勿內也曾子自以無罪使人謝孔子孔子曰汝聞瞽叟  
有子名曰舜舜之事父也索而使之未嘗不在側求而殺之未  
嘗可得小蕃則待大蕃則走以逃暴怒也今子棲身以待暴怒  
立體而不去殺身以陷父不義不孝孰是大乎汝非天子之民  
耶殺天子之民罪奚如以曾子之材又居孔氏之門有罪不自  
知處義難乎○人才雖高不務學問不能致聖水積成川則蛟  
龍生焉土積成山則稼穡生焉學積成聖則富貴尊顯至焉千  
金之裘非一狐之皮臺廟之楹非一木之枝先王之法非一士  
之智也故曰訊問者智之本思慮者智之道也中庸曰好學近

乎智力行近乎仁知耻近乎勇積小之能大者其惟仲尼乎學  
者所以反情治性盡才者也親賢學問所以長德也論交舍友  
所以相致也詩云如切如磋如琢如磨此之謂也○孔子曰可  
以與人終日而不倦者其惟學乎其身體不足觀也其勇力不  
足憚也其先祖不足稱也其族姓不足道也然而可以聞四方  
而昭於諸侯者其惟學乎詩曰不德不亡率由舊章夫學之謂  
也○孔子曰鯉君子不可以不學見人不可以不飾不飾則無  
根無根則失理失理則不忠不忠則失禮失禮則不立夫遠而  
有光者飾也近而逾明者學也譬之如汚池水潦注焉管蒲生  
之從上觀之知其非源也○孔子謂子路曰汝何好子路曰好

長劍孔子曰非此之問也請以汝之所能加之以學豈可及哉  
子路曰學亦有益乎孔子曰夫人君無諫臣則失政士無教友  
則失德狂馬不釋其策操弓不返於檠木受繩則直人受諫則  
聖受學重問孰不順成毀人惡士且近於刑君子不可以不學  
子路曰南山有竹弗揉自直斬而射之通於犀革又何學爲乎  
孔子曰括而羽之鏃而砥礪之其入不益深乎子路拜曰敬受  
教哉○豐牆墉下未必崩也流行潦至壞必先矣樹本淺根培  
不深未必極也飄風起暴雨至拔必先矣君子居於是國不崇  
仁義不尊賢臣未必亡也然一旦有非常之變車馳人走指而  
禍至乃始乾喉焦唇仰天而嘆庶幾焉天其救之不亦難乎孔

子曰不慎其前而悔其後雖悔無及矣詩云啜其泣矣何嗟及  
矣言不先正本而成憂於末也○河間獻王曰管子稱倉廩實  
知禮節衣食足知榮辱夫穀者國家所以昌熾士女所以姣好  
禮義所以行而人心所以安也尚書五福以富爲始子貢問爲  
政子曰富之既富乃教之也此治國之本也

立節

卑賤貧窮非士之耻也夫士之所耻者天下舉忠而士不與焉  
舉信而士不與焉舉廉而士不與焉二者在乎身名傳於後世  
與日月並而不息雖無道之世不能污焉然則非好死而惡生  
也非惡富貴而樂貧賤也由其道遵其理尊貴及已士不辭也

孔子曰富而可求雖執鞭之士吾亦爲之富而不可求從吾所好大聖之操也○楚伐陳陳西門燔因使其降民脩之孔子過之不軾子路曰禮過三人則下車過二人則軾今陳脩門者人數衆矣夫子何爲不軾孔子曰丘聞之國亡而不知不智知而不爭不忠忠而不死不廉今陳脩門者不行一於此丘故不爲軾也○孔子見齊景公景公致廩丘以爲養孔子辭不受出謂弟子曰吾聞君子當功以受祿今說景公景公未之行而賜我廩丘其不知丘亦甚矣曾子衣弊衣以耕景公使人往致邑焉曰請以此備衣曾子不受反復往又不受使者曰先生非求於人人則獻之奚爲不受曾子曰臣聞之受人者畏人予人者驕

人縱子有賜不我驕也我能勿畏乎終不受孔子聞之曰參之言足以全其節也子思居於衛緼袍無表二旬而九食田子方聞之使人遺狐白之裘恐其不受因謂之曰吾假人遂忘之吾與人也如棄之子思辭而不受子方曰我有子無何故不受子思曰彼聞之妄與不如遺棄物於溝壑彼雖貧也不忍以身爲溝壑是以不敢當也一作不敢受也

貴德

聖人之於天下百姓也其猶赤子乎饑者則食之寒者則衣之將之養之育之長之唯恐其不至於大也詩曰蔽芾甘棠勿剪勿伐召伯所爰傳曰自陝以東者周公主之自陝以西者召公



主之召公述職當桑蠶之時不欲變民事故不入邑中舍于其  
棠之下而聽斷焉陝間之人皆得其所是故後世思而歌詠之  
善之故言之言之不足故嗟嘆之嗟嘆之不足故詠歌之夫詩  
思然後積積然後滿滿然後發發由其道而致其位焉百姓嘆  
其美而致其敬其棠之不伐也政教惡乎不行孔子曰吾於其  
棠見宗廟之敬也甚尊其人必敬其位順安萬物古聖之道幾  
哉仁人之德教也誠惻隱於中悃悃於內不能已於其心故其  
治天下也如救溺人見天下強陵弱眾暴寡幼孤羸露死傷係  
虜不忍其然是以孔子歷七十二君冀道之一行而得施其德  
使民生於全育烝庶安土萬物熙熙各樂其終卒不遇故睹麟

而泣哀道不行德澤不浃於是退作春秋明素王之道以示後  
人恩施其惠未嘗輟志是以百王尊之志士法焉誦其文章傳  
今不絕德及之也詩曰載馳載驅周爰咨謀此之謂也聖王布  
德施惠非求報於百姓也郊望禘嘗非求報於鬼神也山致其  
高雲雨起焉水致其深蛟龍生焉君子致其道德而福祿歸焉  
夫有陰德者必有陽報有隱行者必有昭名古者溝防不脩水  
爲人害禹鑿龍門闢伊闕平治水土使民得陸處百姓不親五  
品不遜契教以君臣之義父子之親夫婦之辨長幼之序田野  
不脩民食不足后稷教之闢地墾草奠土樹穀令百姓家給人  
足故三后之後無不王者有陰德也周室衰禮義廢孔子以三

代之道教導於後世繼嗣至今不絕者有隱行也○季康子謂  
子游曰仁者愛人乎子游曰然人亦愛之乎子游曰然康子曰  
鄭子產死鄭人丈夫捨玦珮婦人舍珠珥夫婦巷哭三月不聞  
琴瑟之聲仲尼之死吾不聞曾國之愛夫子矣也子游曰譬子  
產之與夫子其猶浸水之與天雨乎浸水所及則生不及則死  
斯民之生也必以時雨既以生莫愛其賜故曰譬子產之與夫  
子也猶浸水之與天雨乎○孔子之楚有漁者獻魚甚強孔子  
不受獻魚者曰天暑遠市賣之不售思欲棄之若不獻之君子  
孔子再拜受使弟子掃除將祭之弟子曰夫人將棄之今吾子  
將祭之何也孔子曰吾聞之務施而不腐餘財者聖人也今受

聖人之賜可無祭乎○子路持劔孔子問曰由安用此乎子路  
曰善古者固以善之不善古者固以自衛孔子曰君子以忠為  
質以仁為衛不出環堵之內而聞千里之外不善以忠化寇暴  
以仁圍何必持劔乎子路曰由也請攝齊以事先生矣

復恩

孔子曰北方有獸其名曰蟹前足鼠後足兔是獸也甚矣其愛  
蛭蛭巨虛也食得甘草必齧以遺蛭蛭巨虛蛭蛭巨虛見人將  
來必負蟹以走蟹非性之愛蛭蛭巨虛也為其假足之故也二  
獸者亦非性之愛蟹也為其得甘草而遺之故也夫禽獸昆蟲  
猶知比假而相有報也况於士君子之欲興名利於天下者乎

夫臣不復君之恩而苟營其私門禍之原也君不能報臣之功而憚行賞者亦亂之基也夫禍亂之源基由不報恩生矣○趙襄子見圍於晉陽罷圍賞有功之臣五人高赫無功而受上賞五人皆怒張孟談謂襄子曰晉陽之中赫無大功今與之上賞何也襄子曰吾在拘厄之中不失臣主之禮唯赫也子雖有功皆驕寡人與赫上賞不亦可乎仲尼聞之曰趙襄子可謂善賞士乎賞一人而天下之人臣莫敢失君臣之禮矣○東閭子嘗富貴而後乞人問之曰公何為如是曰吾自知吾嘗相六七年未嘗薦一人也吾嘗富三千萬者再未嘗富一人也不知士出身之咎然也孔子曰物之難矣小大多少各有怨惡數之理也

人而得之在於外假之也

政理

衛靈公謂孔子曰有語寡人爲國家者謹之於廟堂之上而國家治矣其可乎孔子曰可愛人者則人愛之惡人者則人惡之知得之已者亦知得之人所謂不出於環堵之室而知天下者知反之已者也○子貢問治民於孔子孔子曰懍懍焉如以腐索御奔馬子貢曰何其畏也孔子曰夫通達之國皆人也以道導之則吾商也不以道導之則吾讎也若何而毋畏○齊桓公出獵逐鹿而走入山谷之中見一老公而問之曰是爲何谷對曰爲愚公之谷桓公曰何故對曰以臣名之桓公曰今視公之

儀狀非愚人也何為以公名對曰臣請陳之臣故畜將牛生子而大賣之而買駒少年曰牛不能生馬遂持駒去傍隣聞之以臣為愚故名此谷為愚公之谷桓公曰公誠愚矣夫何為而與之桓公遂歸明日朝以告管仲管仲正衿再拜曰此夷吾之愚也使堯在上咎繇為理安有取人之駒者乎若有見暴如是與者又必不與也公知獄訟之不正故與之耳請退而脩政孔子曰弟子記之桓公霸君也管仲賢佐也猶有以智為愚者也○不及桓公管仲者也○魯有父子訟者康子曰殺之孔子曰可殺也夫民不知子父訟之不善者久矣是則上過也上有過是人亡矣康子曰夫治民以孝為本今殺一人以戮不孝不亦

可乎孔子曰不孝而誅之是虐殺不辜也三軍大敗不可誅也獄訟不治不可刑也上陳之教而先服之則百姓從風矣躬行不從而後俟之以刑則民知罪矣夫一仞之牆民不能踰百仞之山童子升而遊焉陵遲故也今是仁義之陵遲久矣能謂民弗踰乎詩曰俾民不迷昔者君子尊其百姓不使迷是以威厲而不至刑錯而不用也於是訟者聞之乃請無訟○魯哀公問政於孔子對曰政有使民富且壽公曰何謂也孔子曰薄賦歛則民富無事則遠罪遠罪則民壽公曰若是則寡人貧矣孔子曰詩云凱悌君子民之父母未見其子富而父母貧者也○仲尼見梁君梁君問仲尼曰吾欲長有國吾欲列都之得吾欲使

民安不惑吾欲使士竭其力吾欲使日月當時吾欲使聖人自來吾欲使官府治爲之柰何仲尼對曰千乘之君萬乘之主問於丘者多矣未嘗有如主君問丘之術也然而盡可得也丘聞之兩君相親則長有國君惠臣忠則列都之得毋殺不辜毋釋罪人則民不惑益士祿賞則竭其力尊天敬鬼則日月當時善爲刑罰則聖人自來尚賢使能則官府治梁君曰豈有不然哉○子貢曰葉公問政於夫子夫子曰政在附近而來遠曾哀公問政於夫子夫子曰政在於諭臣齊景公問政於夫子夫子曰政在於節用三君問政於夫子夫子應之不同然則政有異乎孔子曰夫荆之地廣而都狹民有離志焉故曰在於附近而來

遠哀公有臣三人內比周公以惑其君外郵距諸侯賓客以蔽其明故曰政在諭臣齊景公奢於臺榭淫於苑囿五官之樂不解一旦而賜人百乘之家者三故曰政在於節用此三者政也詩不云乎亂離斯瘼爰其適歸此傷離散以爲亂者也匪其止共惟王之邛此傷姦臣蔽主以爲亂者也相亂蔑資曾莫惠我師此傷奢侈不節以爲亂者也察此三者之所欲政其同乎哉賞曰子貢問夫子時哀公未幾當依家語作曾君齊君○孔子謂宓子賤曰子治單父而衆說語丘所以爲之者曰不齊父其父子其子恤諸孤而哀喪紀孔子曰善小節也小民附矣猶未足也曰不齊也所父事者三人所兄事者五人所友者十一人孔子曰父事二人可以教

孝矣兄事五人可以教弟矣友十一人可以教學矣中節也中  
民附矣猶未足也曰此地民有賢於不齊者五人不齊事之皆  
教不齊所以治之術孔子曰欲其大者乃於此在矣昔者堯舜  
清微其身以聽觀天下務求賢人夫舉賢者百福之宗也而神  
明之主也不齊之所治者小也不齊所治者大其與堯舜繼矣  
○宓子賤為單父宰辭於夫子夫子曰毋迎而距也毋望而許  
也許之則失守距之則閉塞譬如高山深淵仰之不可極度之  
不可測也子賤曰善敢不承命乎○孔子弟子有孔蔑者與宓  
子賤皆仕孔子往過孔蔑問之曰自子之仕者何得何亡孔蔑  
曰自吾仕者未有所得而有所亡者三曰王事若曩學焉得習

以是學不得明也所亡者一也奉祿少鬻鬻不足及親戚親戚  
益疏矣所亡者二也公事多急不得弔死視病是以朋友益疏  
矣所亡者三也孔子不說而復往見子賤曰自子之仕何得何  
亡子賤曰自吾之仕未有所亡而所得者三始誦之文今履而  
行之是學日益明也所得者一也奉祿雖少鬻鬻得及親戚是  
以親戚益親也所得者二也公事雖急夜勤弔死視病是以朋  
友益親也所得者三也孔子謂子賤曰君子哉若人君子哉若  
人曾無君子也斯焉取斯○子路治蒲見於孔子曰由願受教  
孔子曰蒲多壯士又難治也然吾語汝恭以敬可以攝勇寬以  
正可以容衆恭以絜可以親上○子貢為信陽令辭孔子而行

孔子曰力之順之因子之時無奪無伐無暴無盜子貢曰賜少而事君子君子固有盜者邪孔子曰夫以不肖伐賢是謂奪也以賢伐不肖是謂伐也緩其令急其誅是謂暴取人善以自爲已是謂盜也君子之盜豈必當財幣乎吾聞之曰知爲吏者奉法利民不知爲吏者枉法以侵民此皆怨之所由生也臨官莫如平臨財莫如廉廉平之守不可攻也匿人之善者是謂蔽賢也揚人之惡者是謂小人也內相教而外相謗者是謂不足親也言人之善者有所得而無所亡傷也言人之惡者無所得而有所傷也故君子慎言語矣母先已而後人擇言出之令口如耳○齊侯問於晏子曰爲政何患對曰患善惡之不分公曰

何以察之對曰審擇左右左右善則百僚各得其所宜而善惡分孔子聞之曰此言信矣善言進則不善無由入矣不善言進則善無由入矣○魯國之法魯人有贖臣妾於諸侯者取金於府子貢贖人於諸侯而還其金孔子聞之曰賜失之矣聖人之舉事也可以移風易俗而教導可施於百姓非獨適其身之行也今魯國富者寡而貧者衆贖而受金則爲不廉不受則後莫復贖自今以來魯人不復贖矣孔子可謂通於化矣故老子曰見小曰明○孔子見季康子康子未說孔子又見之季子曰吾聞之夫子曰王公不聘不動今吾子之見司寇也少數矣孔子曰魯國以衆相陵以兵相暴之日久矣而有司不治聘我者孰

大乎於是魯人聞之曰聖人將治可以不先自為刑罰乎自是  
之後國無爭者孔子謂弟子曰違山十里螻蛄之聲猶尚存耳  
政事無如膺之矣古之魯俗塗里之間羅門之羅收門之漁獨  
得於禮是以孔子善之夫塗里之間富家為貧者出羅門之羅  
有親者取多無親者取少收門之漁有親者取巨無親者取小

尊賢

眉睫之微接而形于色聲音之風感而動乎心審戚擊牛角而  
商歌桓公聞而舉之鮑龍跪石而登噓孔子為之下車堯舜相  
見不違桑陰文王舉太公不以日夕故賢聖之接也不待久而  
親能者之相見也不待試而知矣故士之接也非必與之臨財

其廉也非必與之犯難涉危乃知其勇也舉事決斷  
力也取與有讓是以知其廉也故見虎之尾而知其  
象之牙而知其大於牛也一節見則百節知矣山  
見可以占未發觀小節固足知大體矣○齊景公

問於孔子曰秦穆公其國小處僻而霸何也對曰其國小而志  
大雖處僻而其政中其舉果其謀和其令不偷親舉五殺大夫  
於係縲之中與之語三日而授之政以此取之雖王可也霸則  
小矣○周公曰曰屋之士所下者七十人而天下之士皆至晏  
子所與同衣食者百人而天下之士亦至仲尼脩道行理文章  
而天下之士亦至矣○哀公問於孔子曰人若何而可取也孔



大乎於是曾人聞之曰聖人將治可以不先自為刑罰乎自是  
之後國無爭者孔子謂弟子曰違山十里蟪蛄之聲猶尚存耳  
政事無如膺之矣古之魯俗塗里之間羅門之羅收門之漁獨  
得於禮是以孔子善之夫塗里之間富家為貧者出羅門之羅  
有親者取多無親者取少收門之漁有親者取巨無親者取小  
尊賢

眉睫之微接而形于色聲音之風感而動乎心審戚擊牛角而  
商歌桓公聞而舉之鮑龍跪石而登噓孔子為之下車堯舜相  
見不違桑陰文王舉太公不以日夕故賢聖之接也不待久而  
相見也不待試而知矣故士之接也非必與之臨財

乃知其廉也非必與之犯難涉危乃知其勇也舉事決斷  
是以知其勇也取與有讓是以知其廉也故見虎之尾而知其  
大於狸也見象之牙而知其大於牛也一節見則百節知矣山  
此觀之以所見可以占未發觀小節固足知大體矣○齊景公  
問於孔子曰秦穆公其國小處僻而霸何也對曰其國小而志  
大雖處僻而其政中其舉果其謀和其令不偷親舉五羖大夫  
於係縲之中與之語三日而授之政以此取之雖王可也霸則  
小矣○周公曰曰屋之士所下者七十人而天下之士皆至晏  
子所與同衣食者百人而天下之士亦至仲尼脩道行理文章  
而天下之士亦至矣○哀公問於孔子曰人若何而可取也孔

子對曰毋取抃者無取健者毋取口銳者哀公曰何謂也孔子  
曰抃者大給利不可盡用健者必欲兼人不可以爲法也口銳  
者多誕而寡信後恐不驗也夫弓矢和調而後求其中焉馬慤  
愿順然後求其良材焉人必忠信重厚然後求其知能焉今人  
有不忠信重厚而多知能如此人者譬猶豺狼與不可以身近  
也是故先其仁信之誠者然後親之於是有知能者然後任之  
故曰親仁而使能夫取人之術也觀其言而察其行夫言者所  
以抒其匈臆而發其情者也能行之士必能言之是故先觀其  
言而揆其行夫以言揆其行雖有姦軌之人無以逃其情矣哀  
公曰善○魯哀公問於孔子曰當今之時君子誰賢對曰衛靈

公公曰吾聞之其閭門之內姑姊妹無別對曰臣觀於朝廷  
觀於堂陛之間也靈公之弟曰公子渠年其知足以治千乘之  
國其信足以守之而靈公愛之又有一士曰王林國有賢人必進  
而任之無不達也不能達退而與分其祿而靈公尊之又有一士  
曰慶足國有大事則進而治之無不濟也而靈公說之史鮪去  
衛靈公邱舍三月琴瑟不御待史鮪之入也而後入臣是以知  
其賢也○介子推行年十五而相荆仲尼聞之使人往視還曰  
廊下有二十五俊士堂上有二十五老人仲尼曰合二十五人  
之智智於湯武并二十五人之力力於彭祖以治天下其固免  
矣乎○孔子聞居喟然而嘆曰銅鞮伯華而無死天下其有定

矣子路曰願聞其爲人也何若孔子曰其幼也敏而好學其壯也  
有勇而不屈其老也有道而能以下人子路曰其幼也敏而  
好學則可其壯也有勇而不屈則可夫有道又誰下哉孔子曰  
由不知也吾聞之以衆攻寡而無不消也以貴下賤無不得也  
昔者周公旦制天下之政而下士七十人豈無道哉欲得士之  
故也夫有道而能下於天下之士君子乎哉○孔子之郊遭程  
子於塗傾蓋而語終日有問顧子路曰取束帛一以贈先生子  
路不對有間又顧子路曰取束帛一以贈先生子路屑然對曰  
曰聞之也士不中道而見女無媒而嫁君子不行也孔子曰由  
詩不云乎野有蔓草露漙漙兮有美一人清揚婉兮邂逅相遇

適我願兮今程子天下之賢士也於是不贈終身不見大德毋  
踰閑小德出入可也○齊桓公使管仲治國管仲對曰賤不能  
臨貴桓公以爲上鄉而國不治桓公曰何故管仲對曰貧不能  
使富桓公賜之齊國市租一年而國不治桓公曰何故對曰疏  
不能制親桓公立以爲仲父齊國大安而遂霸天下孔子曰管  
仲之賢不得此三權者亦不能使其君南面而霸矣○子路問  
於孔子曰治國何如孔子曰在於尊賢而賤不肖子路曰范中  
行氏尊賢而賤不肖其亡何也曰范中行氏尊賢而不能用也  
賤不肖而不能去也賢者知其不已用而怨之不肖者知其賤  
已而讎之賢者怨之不肖者讎之怨讎並前中行氏雖欲無亡

得乎

正諫

君有過失者危亡之前也見君之過失而不諫是輕君之危亡也夫輕君之危亡者忠臣不忍爲也三諫而不用則去不去則身亡身亡者仁人所不爲也是故諫有五一日正諫二曰降諫三曰忠諫四曰慝諫五曰諷諫孔子曰吾其從諷諫矣乎夫不諫則危君固諫則危身與其危君寧危身而終不用則諫亦無功矣智者度君權時調其緩急而伸其宜上不敢危君下不以危身故在國而國不危在身而身不困晉陳靈公不聽泄治之諫而殺之曹羈二諫曹君不聽而去春秋序義雖俱賢而

曹羈合禮○楚昭王欲之荆臺游司馬子綦進諫曰荆臺之游左洞庭之陂右彭蠡之水南望獵山下臨方淮其樂使人遺老而忘死人君游者盡以亡其國願大王勿徃遊焉王曰荆臺乃吾地也有地而游之子何爲絕我游乎怒而擊之於是令尹子西駕安車四馬徑於殿下曰今日荆臺之遊不可不觀也王登車而拊其背曰荆臺之遊與子共樂之矣步馬十里引轡而止曰臣不敢下車願得有道大王肯聽之乎王曰第言之令尹子西曰臣聞之爲人臣而忠其君者爵祿不足以賞也爲人臣而諛其君者刑罰不足以誅也若司馬子綦者忠臣也若臣者諛臣也願大王殺臣之軀罰臣之家而祿司馬子綦王曰若能

止聽公子獨能禁我游耳後世游之無有極時奈何令尹子西曰欲禁後世易耳願大王山陵崩隨為陵於荆臺未嘗有持鍾鼓管絃之樂而游於父之墓上者也於是王還車卒不游荆臺令罷先置孔子從魯聞之曰美哉令尹子西諫之於十里之前而權之於百世之後者也○孔子曰良藥苦於口利於病忠言逆於耳利於行故武王諤諤而昌紂嘿嘿而亡君無諤諤之臣父無諤諤之子兄無諤諤之弟夫無諤諤之婦士無諤諤之友其亡可立而待故曰君失之臣得之父失之子得之兄失之弟得之夫失之婦得之士失之友得之故無亡國破家悖父亂子放兄棄弟狂夫淫婦絕交敗友

敬慎

孔子讀易至於損益則喟然而嘆子夏避席而問曰夫子何為嘆孔子曰夫自損者益自益者缺吾是以嘆也子夏曰然則學者不可以益乎夫子曰否夫之道成者未嘗得久也夫學者以虛受之故曰得苟接知持滿則天下之善言不得入其耳矣昔堯履天子之位猶允恭以持之虛靜以待下故百載以逾盛迄今而益章昆吾自滅而滿意窮高而不衰故當時而虧敗迄今而愈惡是非損益之微與吾故曰謙也者致恭以存其位者也夫豐明而動故能大苟大則虧矣吾戒之故曰天下之善言不得入其耳矣日中則昃月盈則食天地盈虛與時消息是以聖

人不敢當盛升與而遇三人則下二人則軾調其盈虛故能長  
久也子夏曰善請終身誦之○孔子觀於周廟而有歌器焉孔  
子問守廟者曰此為何器對曰蓋為右坐之器孔子曰吾聞右  
坐之器滿則覆虛則欹中則正有之乎對曰然孔子使子路取  
水而試之滿則覆中則正虛則欹孔子喟然嘆曰嗚呼惡有滿  
而不覆者哉子路曰敢問持滿有道乎孔子曰持滿之道挹而  
損之子路曰損之有道乎孔子曰高而能下滿而能虛富而能  
儉貴而能卑智而能愚勇而能怯辯而能訥博而能淺明而能  
闇是謂損而不極能行此道唯至德者及之易曰不損而益之  
故損自損而終故益○孔子曰存亡禍福皆在已而已天災地

妖亦不能殺也昔者殷王帝辛之時爵生鳥於城之隅工人占  
之曰凡小以生巨國家必祉王名必倍帝辛喜爵之德不治國  
家尤暴無極外寇乃至遂亡殷國此逆天之時詭福反為禍至  
殷王武丁之時先王道缺刑法弛桑穀俱生於朝七日而大拱  
工人占之曰桑穀者野物也野物生於朝意朝亡乎武丁恐駭  
側身脩行思昔先王之政與滅國繼絕世舉逸民明養老之道  
三年之後遠方之君貢譯而朝者六國此迎天時得禍反為福  
也故妖孽者天所以警天子諸侯也惡夢者所以警士大夫也  
故妖孽不勝善政惡夢不勝善行也至治之極禍反為福故太  
甲曰天作孽猶可違自作孽不可追○魯哀公問孔子曰予聞

忘之甚者、從而忘其妻、有諸乎？孔子對曰：此非忘之甚者也。忘之甚者、忘其身。哀公曰：可得聞與？對曰：昔夏桀貴為天子、富有天下、不脩禹之道、毀壞辟法、裂絕世祀、荒淫于樂、沉酗于酒、其臣有左師觸龍者、諂諛不止、湯誅桀、左師觸龍者、身死四支不、同壇而居、此忘其身者也。哀公愀然變色曰：善。孔子之闕觀於太廟、石墜之前、有金人焉、三緘其口、而銘其背曰：古之慎言人也。戒之哉！戒之哉！無多言、多言多敗；無多事、多事多患。安樂必戒、無行所悔、勿謂何傷；其禍將長；勿謂何害、其禍將大；勿謂何殘、其禍將然；勿謂莫聞、天妖同人、熒熒不滅、炎炎奈何；涓涓不壅、將成江河；緜緜不絕、將成網羅；青青不伐、將尋斧柯。誠不

能慎之、禍之根也。曰：是何傷？禍之門也。強梁者、不得其死；好勝者、必遇其敵；盜怨主人、民害其貴。君子知天下之不可蓋也、故後之下之、使人慕之、執雌持下、莫能與之爭者、人皆趨彼、我獨守此、衆人惑惑、我獨不從、內藏我知、不與人論技、我雖尊高、人莫害我。夫江河長百谷者、以其卑下也。天道無親、常與善人。戒之哉！戒之哉！孔子顧謂弟子曰：記之。此言雖鄙而中事情。詩曰：戰戰兢兢、如臨深淵、如履薄冰。行身如此、豈以口遇禍哉？孔子行遊中路、聞哭者聲、其音甚悲。孔子曰：驅之、驅之前有異人。音少進、見之、丘吾子也。擁鎌帶索而哭。孔子辟車而下、問曰：夫子非有喪也、何哭之悲也？丘吾子對曰：吾有三失。孔子曰：願聞。

三失丘吾子曰吾少好學問周遍天下還後吾親亡一失也事君舍驕諫不遂是二失也厚交友而後絕三失也樹欲靜乎風不定子欲養乎親不待往而不來者年也不可得再見者親也請從此辭則自刎而死孔子曰弟子記之此足以爲戒也於是弟子歸養親者十三人○孔子論詩至於正月之六章懼然曰不逢時之君子豈不殆哉從上依世則廢道違上離俗則危身世不與善已獨由之則曰非妖則孽也是以桀殺關龍逢紂殺王子比干故賢者不遇時常恐不終焉詩曰謂天盖高不敢不跼謂地蓋厚不敢不踣此之謂也○孔子見羅者其所得者皆黃口也孔子曰黃口盡得大爵獨不得何也羅者曰黃口從大

爵者不得大爵從黃口者可得孔子顧謂弟子曰君子慎所從不得其人則有羅網之害○顏回將西游問於孔子曰何以爲身孔子曰恭敬忠信可以爲身恭則免於衆敬則人愛之忠則人與之信則人恃之人所愛人所與人所恃必免於患矣可以臨國家何況於身乎故不比數而比踈不亦遠乎不脩中而脩外不亦反乎不先慮事臨難乃謀不亦晚乎

善說

陳子說梁王梁王說而疑之曰子何爲去陳侯之國而教小國之衆於此乎陳子曰夫善亦有道而遇亦有時昔傳說衣褐帶劍而築於虢傅之城武丁夕夢自得之時王也甯戚飯牛康衢



擊車輻而歌顧見桓公得之時霸也百里奚自賣五羊之皮爲  
秦人虞穆公得之時強也論若三子之行未得爲孔子駿徒也  
今孔子經營天下南有陳蔡之阨而北干景公三坐而五立未  
嘗離也孔子之時不行而景公之時息也以孔子之聖不能以  
時行說之息亦獨能如之何乎○子貢見太宰嚭太宰嚭問曰  
孔子何如對曰臣不足以知之太宰曰子不知何以事之對曰  
唯不知故事之夫子其猶大山林也百姓各足其材焉太宰嚭  
曰子增夫子乎對曰夫子不可增也夫賜其猶一累壤也以一  
累壤增大山不益其高且爲不知太宰嚭曰然則子有所酌也  
對曰天下有大樽而子獨不酌焉不識誰之罪也○趙簡子問

子貢曰孔子爲人何如子貢對曰賜不能識也簡子不說曰夫  
子與孔子數十年終業而去之寡人問子子曰不能識何也子  
貢曰賜譬渴者之飲江海知足而已孔子猶江海也賜則奚足  
以識之簡子曰善哉子貢之言也○齊景公謂子貢曰子誰師  
曰臣師仲尼公曰仲尼賢乎對曰賢公曰其賢何若對曰不知  
也公曰子知其賢而不知其奚若可乎對曰今謂天高無少長  
愚智皆知高幾何皆曰不知也是以知仲尼之賢而不知其  
奚若○趙襄子謂仲尼曰先生委質以見人主七十君矣而無  
所通不識世無明君乎意先生之道固不通乎仲尼不對異日  
襄子見子路曰嘗問先生以道先生不對知而不對是隱也隱

則安得為仁若信不知安得為聖一作襄子謂子路曰吾嘗問孔子曰先生事七十君無明  
君乎孔子不對何謂賢邪子路曰建天下之鳴鐘而撞之以挺豈能發其聲乎哉君問先生無乃猶以挺撞乎○子路問於孔子曰管仲何如人也子曰大人也子路曰昔者管子說襄公襄公不說是不辯也欲立公子糾而不能是無能也家殘於齊而無憂色是不慈也桎梏而居檻車中無慙色是無愧也事所射之君是不貞也召忽死之管子不死是無仁也夫子何以大之子曰管仲說襄公襄公不說管子非不辯也襄公不知說也欲立子糾而不能非無能也不遇時也家殘於齊而無憂色非不慈也知命也桎梏居檻中而無慙色非無愧也自裁也事所射之君非不貞

也知權也召忽死之管子不死非無仁也召忽者人臣之材也不死則三軍之虜也死之則名聞天下夫何為不死哉管子者天子之佐諸侯之相也死之則不免為溝中之瘠不死則功復用於天下夫何為死之哉由汝不知也

奉使

趙簡子將襲衛使史黯往視之期以一月六日而後反簡子曰何其久也黯曰謀利而得害由不察也今邊伯至為相史黶佐焉孔子為客子貢使令於君前甚聽易曰渙其群元吉渙者賢也群者象也元者吉之始也渙其群元吉者其佐多賢矣簡子按兵而不動耳

權謀

孔子曰可與適道未可與權也○趙簡子曰晉有澤鳴犢犢魯有孔丘吾殺此三人則天下可圖也於是乃召澤鳴犢犢任之以政而殺之使人聘孔子於魯孔子至河臨水而觀曰美哉水洋洋乎丘之不濟於此命也夫子路趨進曰敢問奚謂也孔子曰夫澤鳴犢犢晉國之賢大夫也趙簡子之未得志也與之同聞見及其得志也殺之而後從政故丘聞之刳胎焚天則麒麟不至乾澤而漁蛟龍不遊覆巢毀卵則鳳凰不翔丘聞之君子重傷其類者也○孔子與齊景公坐左右白曰周使來言周廟墜齊景公出問曰何廟也孔子曰是釐王廟也景公曰何以知

之孔子曰詩云皇上帝其命不忒天之與人必報有德福亦如之夫釐王變文武之制而作玄黃宮室輿馬奢侈不可振也故天殃其廟是以知之景公曰天何不殃其身曰天以文王之故也若殃其身文王之祀無乃絕乎故殃其廟以章其過也左右入報曰周釐王廟也景公大驚起再拜曰善哉聖人之智豈不大乎○魯公索氏將祭而亡其牲孔子聞之曰公索氏比及三年必亡矣後一年而亡弟子問曰昔公索氏亡牲夫子曰比及三年必亡矣今期年而亡夫子何以知其將亡也孔子曰祭之爲言索也索也者盡也乃孝子所以自盡於親也至祭而亡其牲則餘所亡者多矣吾以此知其將亡也○孔子曰聖人轉

禍為福報怨以德○中行文子出亡至邊從者曰為此嗇夫者  
君人也胡不休焉且待後車者文子曰異日吾好音此子遺吾  
琴吾好佩又遺吾玉是不非吾過者也自容於我者也吾恐其  
以我求容也遂不入後車入門文子問嗇夫之所在執而殺之  
仲尼聞之曰中行文子背道失義以亡其國然後得之猶活其  
身道不可遺也若此○孔子問漆雕馬人曰子事臧文仲武仲  
蔡文仲立三年為一兆馬武仲立三年為二兆馬孺子容立三  
年為三兆馬馬人見之矣若夫三大夫之賢不賢馬人不識也  
孔子曰君子哉漆雕氏之子其言人之美也隱而顯其言人之  
過也微而著故智不能及明不能見得無數上乎

至公

楚共王出獵而遺其弓左右請求之共王曰止楚人遺弓楚人  
得之又何求焉仲尼聞之曰惜乎其不大亦曰人遺弓人得之  
而已何必楚也仲尼所謂大公也○萬章問曰孔子於衛主雍  
雖於齊主寺人脊環有諸孟子曰否不然云至如孔子主雍  
雖與寺人脊環何以為孔子乎詳見孟子○賞曰孟子雍疽  
雍乃姓也○夫子行說七十諸侯無定處意欲使天下之民各  
得其所而道不行退而脩春秋采毫毛之善貶纖介之惡人事  
浹王道備精和聖制上通於天而麟至此天之知夫子也於是

喟然而嘆曰天以至明為不可蔽乎日何為而食地以至安為不可危乎地何為而動天地而尚有動蔽是故賢聖說於世而不得行其道故災異並作也夫子曰不怨天不尤人下學而上達知我者其天乎○孔子生於亂世莫之能容也故言行於君澤加於民然後仕言不行於君澤不加於民則處孔子懷天覆之心挾仁聖之德憫時俗之汙泥傷紀綱之廢壞服重歷遠周流應聘乃俟幸施道以子百姓而當時諸侯莫能任用是以德積而不肆大道屈而不伸海內不蒙其化群生不被其恩故喟然歎曰如有用我者則吾其為東周乎故孔子行說非欲私身運德於一城將欲舒之於天下而建之於天下也○孔子為

魯司寇聽獄必飾斷敦敦然皆立然後君子進曰某子以為何若某子以為云云又曰某子以為何若某子曰云云辯矣然後君子幾當從某子云云乎以君子之知豈必待某子之云云然後知所以斷哉君子之敬讓也文辭有可與人共之者君子不獨有也○子羔為衛政別人之足衛之君臣亂子羔走郭門郭門閉則者守門曰於彼有缺子羔曰君子不踰曰於彼有竇子羔曰君子不遂曰於此有室子羔入追者罷子羔將去謂別者曰吾不能虧損主之法令而親刑之足吾在難中此乃子之報怨時也何故逃我則者曰斷足固我罪也無可奈何君之治臣也傾側法令先後臣以法欲臣之免於法也臣知之獄決罪

定臨當論刑君愀然不樂見於顏色臣又知之君豈私臣哉天生仁人之心其固然也此臣之所以脫君也孔子聞之曰善為吏者樹賞曰不善為吏者樹怨公行之也其子羔之謂歟子羔當

指武

孔子北遊東上農山子路子貢顏淵從焉孔子喟然歎曰登高望下使人心悲二三子者各言爾志丘將聽之子路曰願得曰羽若月赤羽若日鍾鼓之音上聞乎天旌旗翩翩下蟠於地由且舉兵而擊之必也攘地千里獨由能耳夫二子為我從焉孔子曰勇哉士乎憤憤者乎子貢曰賜也願齊楚合戰於奔洋之

陳說白刃之間解兩國之患獨賜能耳使夫二子者為我從焉孔子曰辯哉士乎僂僂者乎顏淵獨不言孔子曰回來若獨何不願乎顏淵曰文武之事二子已言之回何敢與焉孔子曰若鄙心不與焉第言之顏淵曰回聞鮑魚蘭芷不同篋而藏堯舜桀紂不同國而治二子之言與回言異回願得明王聖主而相之使城郭不脩溝池不越鍛劍戟以為農器使天下千歲無戰鬪之患如此則由何憤憤而擊賜又何僂僂而使乎孔子曰美哉德乎姚姚者乎子路舉手問曰願聞夫子之意孔子曰吾所願者顏氏之計吾願負衣冠而從顏氏子也○魯哀公問於

尼曰吾欲小則守大則攻其道若何仲尼曰若朝廷有禮上下有親民之衆皆君之畜也君將誰攻若朝廷無禮上下無親民之衆皆君之讐也君將誰與守於是廢澤梁之禁弛閔市之征以為民惠也○昔堯誅四凶以懲惡周公殺管蔡以弭亂子產殺鄧析以威侈孔子斬少正卯以變衆佞賊之人而不誅亂之道也易曰不威小不懲大此小人之福也○五帝三王教以仁義而天下變也孔子亦教以仁義而天下不從者何也昔明王有綏冕以尊賢有斧鉞以誅惡故其賞至重而刑至深而天下變孔子賢顏淵無以賞之賤而悲無以罰之故天下不從是故道非權不立非勢不行是道身然後行○孔子為魯司寇七日

而誅少正卯於東觀之下門人聞之趨而進至者不言其意皆一也子貢後至趨而進曰夫少正卯有魯國之聞人矣夫子始為政何以先誅之孔子曰賜也非爾所及也夫王者之誅有五而盜竊不與焉一曰心辨而險二曰言偽而辯三曰行辟而堅四曰志愚而博五曰順非而澤此五者皆有辯知聰達之名而非其真也苟行以偽則其知足以移衆強足以獨立此姦人之雄也不可誅夫有五者之一則不免於誅今少正卯兼之是以先誅之也昔者湯誅蠋沐太公誅潘阝管仲誅史附里子產誅鄧析此五子未有不誅也所謂誅之者非謂其晝則攻盜暮則穿窬也皆傾覆之徒也此固君子之所疑愚者之所惑也詩

云憂心悄悄愠于群小此之謂矣

談叢

邑名勝母曾子不入水名盜泉孔子不飲醜其聲也

雜言

孔子曰自季孫之賜我千鍾而友益親自南宮項叔之乘我車也而道加行故道有時而後重有執而後行微夫二子之賜立之道幾於廢也○楚昭王召孔子將使執政而封以書社七百子西謂楚王曰王之臣用兵有如子路者乎侯諸侯有如宰予者乎長官五官有如子貢者乎昔文王處鄴武王處鎬鎬之間百乘之地伐上殺王立為天子世皆曰聖王今以孔子之賢

而有書社七百里之地而三子佐之非楚之利也楚王遂止夫善惡之難分也聖人獨見疑而况於賢者乎是以賢聖罕合諛諛常與也故有千歲之亂而無百歲之治孔子之見疑豈不痛哉○東郭子惠問於子貢曰夫子之門何其雜也子貢曰夫隱括之旁多枉木良鑿之門多疾人砥礪之旁多頑鈍夫子脩道以俟天下來者不止是以雜也詩云苑彼柳斯鳴蜩嘒嘒有漙者淵莞韋潁潁言大者之旁無所不容○孔子觀於吕梁懸水四十仞環流九十里魚鱉不能過龜鼉不敢居有一丈夫方將涉之孔子使人並崖而止之曰此懸水四十仞圍流九十里魚鱉不能過龜鼉不敢居意者難可濟也丈夫不以錯意遂渡而



出孔子問子巧乎且有道術乎所以能入而出者何也丈夫對曰始吾入先以忠信吾之出也又從以忠信忠信錯吾軀於波流而吾不敢用私吾所以能入而復出也孔子謂弟子曰水而尚可以忠信義义而身親之况於人乎○孔子遭難陳蔡之境絕糧弟子皆有饑色孔子歌兩柱之間子路入見曰夫子之歌禮乎至聖人所與之難言信也不重出見家語

○孔子困於陳蔡之間居環堵之內席三經之席七日不食藜藿不糝弟子皆有饑色讀詩書治禮不休子路進諫曰凡人為善者天報以福為不善者天報以禍今先生積德行爲善义矣意者尚有遺行乎奚君隱也孔子曰由來汝不知坐吾語汝子

以夫知者無不知乎則王子比干何為剖心而死以諫者為必聽邪伍子胥何為抉目於吳東門子以廉者為必用乎伯夷叔齊何為餓死於首陽山之下子以忠者為必用乎則鮑莊何為而肉枯荆公子高終身不顯鮑焦抱木而立枯介子推登山而焚死故夫君子博學深謀不遇時者衆矣豈獨丘哉賢不肖者才也為不為者人也遇不遇者時也死生者命也有其才不遇其時雖才不用苟遇其時何難之有故舜耕歷山而陶於河畔立為天子則其遇堯也傅說負環土釋板築而立佐天子則其遇武丁也伊尹有莘氏媵臣也負鼎俎調五味而佐天子則其遇成湯也呂望行年五十賣食於棘津行年七十屠牛於朝歌

行年九十為天子師則其遇文王也管夷吾束縛膠目居檻車中自車中起為仲父則其遇齊桓公也百里奚自賣取五羊皮伯氏牧羊以為卿大夫則其遇秦穆公也沈尹名聞天下以為令尹而讓孫叔敖則其遇楚莊王也伍子胥前多功後戮死非其智益衰也前遇闔廬後遇夫差也夫驥冠罷鹽車非無驥狀也夫世莫能知也使驥得王良造父驥無千里之足乎芝蘭生深林非為無人而不香故學者非為通也為窮而不困也憂不衰也此知禍福之始而心不惑也聖人之深念獨知獨見舜亦賢聖矣南面治天下唯其遇堯也使舜居桀紂之世能自免刑戮固可也又何官得治乎夫桀殺關龍逢而紂殺王子比干當

不能為不能行之至也言要則知行要則仁既知且仁夫有何加矣哉由詩云湯降不遲聖敬日躋此之謂也○子路問孔子曰君子亦有憂乎孔子曰無也君子之脩其行未得則樂其意既已得又樂其知是以有終身之樂無一日之憂小人則不然其未之得則憂不得既已得之又恐失之是以有終身之憂無一日之樂○孔子見榮啓期衣鹿皮裘鼓瑟而歌孔子問曰先生何樂也對曰吾樂甚多天生萬物唯人為貴吾既已得為人是一樂也人以男為貴吾既已得為男是為二樂也人生不免襁褓吾年已九十五是三樂也夫貧者士之常也死者民之終也處常待終當何憂乎○曾子曰吾聞夫子之三言未之能行

也。夫子見人之一善而忘其百非，是夫子之易事也。夫子見人有善若已有之，是夫子之不爭也。聞善必躬親行之，然後道之是。夫子之能勞也。夫子之能勞也。夫子之不爭也。夫子之易事也。吾學夫子之三言而未能行。○孔子曰：回，若有君子之道，四強於行，已弱於受諫，怵於待祿，慎於持身。○仲尼曰：史鮪有君子之道，三不仕而敬，上不祀而敬，鬼直能曲於人。○孔子曰：丘死之後，商也日益，賜也日損，商也好與賢已者處，賜也好說不如此者。○孔子將行，無蓋，弟子曰：子夏有益，可以行。孔子曰：商之爲人也，甚短於財，吾聞與人交者，推其長者，違其短者，故能長久矣。○子路行，辭於仲尼，曰：敢問，新交取親，若何？言寡可行。

若何？長爲善士而無犯，若何？仲尼曰：新交取親，其忠乎？言寡可行，其信乎？長爲善士而無犯，其禮乎？○子路將行，辭於仲尼，曰：贈汝以車乎？以言乎？子路曰：請以言。仲尼曰：不強不遠，不勞無功，不忠無親，不信無復，不恭無禮，慎此五者，可以長久矣。○曾子從孔子於齊，齊景公以下鄉禮聘曾子，曾子固辭，將行，晏子送之，曰：吾聞君子贈人以財，不若以言，今夫蘭本，三年湛之以鹿醢，旣成則易以匹馬，非蘭本美也，願子詳其所湛，旣得所湛，吾聞君子居必擇處，遊必擇士，居必擇處，所以求士也，遊必擇士，所以脩道也，吾聞反常移性者，欲也，故不可不慎也。○孔子曰：中人之情有餘則侈，不足則儉，無禁則淫，無度則失，縱欲則

敗飲食有量衣服有節宮室有度畜聚有數車器有限以防亂之源也故夫度量不可不明也善欲不可不聽也○孔子曰巧而好度必工勇而好同必勝知而好謀必成愚者反是夫處重擅寵專事妬賢愚者之情也志驕傲而輕舊怨是以尊位則必危任重則必崩擅寵則必辱○孔子曰鞭扑之子不從父之教刑戮之民不從君之政言疾之難行故君子不急斷不意使以爲亂源○孔子曰終日言不遺已之憂終日行不遺已之患唯智者有之故恐懼所以除患也恭敬所以越難也終身爲之一言敗之可不慎乎○孔子曰以富貴爲人下者何人不與以富貴敬愛人者何人不親衆言不逆可謂知言矣衆嚮之可謂知

時矣○孔子曰夫富而能富人者欲貧而不可得也貴而能貴人者欲賤而不可得也達而能達人者欲窮而不可得也○仲尼曰非其地而樹之不生也非其人而語之弗聽也得其人如聚沙而雨之非其人如聚斲而鼓之○孔子曰船非水不可行水入船中則其沒也故曰君子不可不嚴也小人不可不閑也○孔子曰依賢固不困依富固不窮馬跼斬而復行者何以輔足衆也○孔子曰不知其子視其所友不知其君視其所使又曰與善人居如入蘭芷之室久而不聞其香則與之化矣與惡人居如入鮑魚之肆久而不聞其臭亦與之化矣故曰丹之所藏者赤烏之所藏者黑君子慎所藏○子貢問曰君子見大水

必觀焉何也孔子曰夫水者君子比德焉過予而無私似德所及者生似仁其流卑下句倨皆循其理似義淺者流行深者不測似智其赴百仞之谷不疑似勇綿弱而微達似察受惡不讓似包蒙不清以入鮮潔以出似善化至量必平似正盈不求既似度其萬折必東似意是以君子見大水觀焉爾也夫智者何以樂水也曰泉源瀆瀆不釋晝夜其似力者循理而行不遺小間其似持平者動而之下其似有禮者赴千仞之壑而不疑其似勇者障防而清其似知命者不清以入鮮潔而出其似善化者衆人取平品類以正萬物得之則生失之則死其似有德者淑淑淵淵深不可測其似聖者通潤天地之間國家以成是知

之所以樂水也詩云思樂泮水薄採其菲魯侯戾止在泮飲酒樂水之謂也夫仁者何以樂山也曰夫山龍從嶽巖萬民之所觀仰草木生焉衆物立焉飛禽萃焉走獸休焉寶藏殖焉奇夫息焉育群物而不倦焉四方並取而不限焉出雲風通氣于天地之間國家以成是仁者所以樂山也詩曰太山巖巖魯邦是瞻樂山之謂矣○道吾問之夫子多所知無所知其身孰善者乎對曰無知者死人屬也雖不死累人者必衆甚矣多所知者好其用心也多所知者出於利人即善矣出於害人即不善也道吾曰善哉○凡善之生也皆學之所由一室之中必有主道焉父母之謂也故君正則百姓治父母正則子孫孝慈是以孔

子家兒不知罵曾子家兒不知怒所以然者生而善教也夫仁者好合人不仁者好離人故君子居人間則治小人居人間則亂君子欲和人譬猶水火不相能然而器在其間水火不亂乃和百味是以君子不可不慎擇人在其間○齊高廷問於孔子曰廷不曠山不直地衣裘提執精氣以問事君之道願夫子告之孔子曰貞以幹之敬以輔之待人無倦見君子則舉之見小人則退之去爾惡心而忠與之敏其行脩其禮千里之外親如兄弟若行不敏禮不合對門不通矣

辨物

顏淵問於仲尼曰成人之行何若子曰成人之行達乎情性之

理通乎物類之變知幽明之故睹遊氣之源若此而可謂成人既知天道行躬以仁義飭身以禮樂夫仁義禮樂成人之行也窮神知化德之盛也○吳伐越隳會稽得骨節專車使使問孔子曰骨何者最大孔子曰禹致群臣會稽山防風氏後至禹殺而戮之其骨節專車此為大矣使者曰誰為神孔子曰山川之靈足以紀綱天下者其守為神社稷為公侯山川之祀為諸侯皆屬於王者曰防風氏何守孔子曰汪洋氏之君守封嶠之山者也其神為魿姓在虞夏為防風氏商為汪洋氏於周為長狄氏今謂之大人使者曰人長幾何孔子曰僬僥氏三尺短之至也長者不過十數之極也使者曰善哉聖人也○仲尼在陳有

隼集于陳侯之廷而死楛矢貫之石箸長尺有咫陳侯使問孔子孔子曰隼之來也遠矣此肅慎氏之矢也昔武王克商通道九夷百蠻使各以其方賄來貢思無忘職業於是肅慎氏貢楛矢石箸長尺有咫先王欲昭其令德之致故銘其楛曰肅慎氏貢楛矢以勞大姬配虞胡公而封諸陳分同姓以珍玉展親也分別姓以遠方職貢使無忘服也故分陳以肅慎氏之矢試求之故府果得焉○季桓子穿井得土缶中有羊以問孔子言得狗孔子曰以吾所聞非狗乃羊也木之怪夔罔兩水之怪龍罔象土之怪羗羊也非狗也桓子曰善哉○楚昭王渡江有物大如斗直觸王舟止於舟中昭王大怪之使聘問孔子孔子曰此

名萍實令剖而食之惟霸者能獲之此吉祥也其後齊有飛鳥一足來下止於殿前舒翅而跳齊侯大怪之又使聘問孔子孔子曰此名商羊急告民趣治溝渠天將大雨於是如之天果大雨諸國皆水齊獨以安孔子歸弟子請問孔子曰豎時小兒謠曰楚王渡江得萍實大如拳赤如日剖而食之美如蜜此楚之應也兕又有兩兩相牽屈一足而跳曰天將大雨商羊起舞今齊獲之亦其應也夫謠之後未嘗不有應隨者也故聖人非獨守道而已也睹物記也即得其應矣○孔子晨立堂上聞哭者聲音甚悲孔子援琴而鼓之其音同也孔子出而弟子有吒者問誰也曰回也孔子曰回何為而吒回曰今者有哭者其音甚

不聖全書 卷之三 三十一  
悲非獨哭死又哭生離者孔子曰何以知之曰似完山之鳥  
孔子曰何如曰完山之鳥生四子羽翼已成乃離四海哀鳴  
送之為是往而不復返也孔子使人問哭者哭者曰父死家貧  
賣子以葬之將與其別也孔子曰善哉聖人也○子貢問孔子  
死人有知無知也孔子曰吾欲言死者有知也恐孝子順孫妨  
生以送死也欲言無知恐不孝子孫棄不葬也賜欲知死人有  
知將無知也死徐自知之猶木也

脩文

天下有道則禮樂征伐自天子出夫功成制禮治定作樂禮樂  
者行化之大者也孔子曰移風易俗莫善於樂安上治民莫善

於禮是故聖王脩禮文設序序陳鍾鼓天子辟雍諸侯泮宮所  
以行德化詩云鎬京辟雍自西自東自南自北無思不服此之  
謂也○延陵季子適齊於其反也其長子死於贏博之間因葬  
焉孔子聞之曰延陵季子具之習於禮者也使子貢往而觀之  
其窆深不至泉其歛以時服既葬封壙墳掩坎其高可隱也既  
封左袒右旋其封且號者二言曰骨肉歸復于土命也若魂氣  
則無不之也無不之也而遂行孔子曰延陵季子於禮其合矣  
賞曰以使子貢○子夏三年之喪畢見於孔子孔子與之琴  
往向故重錄之使之弦援琴而弦術術而樂作而曰先王制禮不敢不及也子  
曰君子也閔子騫三年之喪畢見於孔子孔子與之琴使之弦



援琴而弦切切而悲作而曰先王制禮不敢過也孔子曰君子也子貢問曰閔子哀不盡子曰君子也子夏哀已盡子曰君子也賜也惑敢問何謂孔子曰閔子哀未盡能斷之以禮故曰君子也子夏哀已盡能引而致之故曰君子也夫三年之喪固優者之所屈劣者之所勉○孔子曰無體之禮敬也無服之喪憂也無聲之樂懽也不言而信不動而威不施而仁志也鐘鼓之聲怒而擊之則武憂而擊之則悲喜而擊之則樂其志變其聲亦變其志誠通乎金石而况人乎○孔子曰可也簡簡者易野也易也者無禮文也孔子見子桑伯子子桑伯子不衣冠而處弟子曰夫子何為見此人乎曰其質美而無文吾欲說而文之

孔子去子桑伯子門人不說曰何為見孔子乎曰其質美而文繁吾欲說而去其文故曰文質脩者謂之君子有質而無文謂之易野子桑伯子易野欲同人道於牛馬故仲弓曰太簡上無明天子下無賢方伯天下為無道臣弑其君子弑其父力能討之討之可也當孔子之時上無明天子也故言雍也可使南面南面者天子也雍之所以得稱南面者問子桑伯子於孔子孔子曰可也簡仲弓曰君敬而行簡以道民不亦可乎君簡而行簡無乃太簡乎子曰雍之言然仲弓通於化術孔子明於王道而無以加仲弓之言○孔子至齊郭門之外遇一嬰兒挈一壺相與俱行其視精其心正其行端孔子謂御曰趣驅之趣驅之

韶樂方作孔子至彼聞韶三月不知肉味故樂非獨以自樂也  
又以樂人非獨以自正也又以正人矣哉於此樂者不圖為樂  
至於此○子路鼓瑟有北鄙之聲孔子聞之曰信矣由之不才  
也冉有侍孔子曰求來爾奚不謂由夫先王之制音也奏中聲  
為中節流入於南不歸於北南者生育之鄉北者殺伐之域故  
君子執中以為本務生以為基故其音溫和而居中以象生育  
之氣憂哀悲痛之感不加乎心暴厲淫荒之動不在乎體夫然  
者乃治存之氣安樂之為也彼小人則不然執末以論本務剛  
以為基故其音湫厲而微末以象殺伐之氣和節中正之感不  
加乎心溫儼恭莊之動不存乎體夫殺者乃亂亡之風奔北之

為也昔舜造南風之聲其興也勃焉至今王公述而不釋紂為  
北鄙之聲其廢也忽焉至今王公以為笑彼舜以匹夫積正合  
仁履中行善而卒以興紂以天子好慢淫荒剛厲暴賊而卒以  
滅今由也匹夫之徒布衣之醜也既無意乎先王之制而又有  
亡國之聲豈能保七尺之身哉冉有以告子路子路曰由之罪  
也小人不能耳隔而入於斯宜矣夫子之言也遂自悔不食七  
日而骨立焉孔子曰由知改過矣

反質

孔子卦得賁喟然仰而嘆息意不平子張進舉手而問曰師聞  
賁者吉卦而歎之乎孔子曰賁非正色也是以歎之吾思夫質

素白當正白黑當正黑夫質又何也吾亦聞之丹漆不文白玉  
 不雕寶珠不飾何也質有餘者不受飾也○魯有儉者瓦鬲煮  
 食食之而美盛之士劍之器以進孔子孔子受之歡然而悅如  
 受大牢之饋弟子曰瓦甌陋器也煮食薄膳也而先生何喜如  
 此乎孔子曰吾聞好諫者思其君食美者念其親吾非以饌為  
 厚也以其食美而思我親也○仲尼問老聃曰甚矣道之於今  
 難行也吾比執道委質以當世之君而不我受也道之於今難  
 行也老子曰夫說者流於聽言者亂於辭知此二者則道不可  
 委矣

魯哀公問於孔子曰

有者壽乎孔子曰然人有三死而非命

也者人自取之夫寢處不時飲食不節佚勞過度者疾共殺之  
 始下位而上忤其君嗜慾無厭而求不止者刑共殺之少以犯  
 衆弱以侮強忿怒不量力者兵共殺之此三死者非命也人自  
 取之詩云人而無儀不死何為此之謂也

此段雜言

甲之精二人而無漸不與何為此之謂也此言  
 參問以而滋參然不量其首其共幾也此三原皆非命也人自  
 其不立而工其其甚也無厭而來不其亦既共幾之心以  
 亦入自期之夫難與不却增食不精於其也其甚也其共幾之

孔聖全書劉向新序中卷卷之

雜事

昔者舜自耕稼陶漁而躬孝友父瞽瞍頑母嚚及弟象傲皆下  
 愚不移舜蓋孝道以供養瞽瞍瞽瞍與象為浚井塗廩之謀欲  
 以殺舜舜孝益篤出田則號泣年五十猶嬰兒慕可謂至孝矣  
 故耕於歷山歷山之耕者讓畔陶於河濱河濱之陶者繩不苦  
 甌漁於雷澤雷澤之漁者分均及立為天子天下化之蠻夷率  
 服北發渠搜南撫交趾莫不慕義麟鳳在郊故孔子曰孝弟之  
 至通於神明光於四海舜之謂也孔子在州里篤行孝道居於  
 闕黨闕黨之子弟畝漁分有親者得多孝以化之也是以七十

二子自遠方至服從其德魯有沈猶氏者但飲羊飽之以欺市人公慎氏有妻而淫慎潰氏奢侈驕佚魯氏之鬻牛馬者善豫賈孔子將為魯司寇沈猶氏不敢朝飲其羊公慎氏出其妻慎潰氏踰境而徙魯之鬻馬牛不豫賈布政以待之也既為司寇季孟墮郟費之城齊人歸所侵魯之地由積正之所致也故曰其身正不令而行

禹之興也以塗山桀之亡也以妹喜湯之興也以有莘紂之亡也以妲己文武之興也以任姒幽王之亡也以褒姒是以詩正關雎而春秋褒伯姬也

衛靈公之時蘧伯玉賢而不用彌子瑕不肖而任事衛大夫史

鮒患之數以諫靈公而不聽史鮒病且死謂其子曰我即死治喪於北堂吾不能進蘧伯玉而退彌子瑕是不能正君也生不能正君者死不當成禮置尸北堂於是足矣史鮒死靈公往弔見喪在北堂問其故其子且以父言對靈公蹴然易容寤然失容曰夫子生則欲進賢而退不肖死且不懈又以屍諫可謂忠而不衰矣於是乃召蘧伯玉而進之以為卿退彌子瑕徙喪正堂成禮而後返衛國以治史鮒字子魚孔子所謂直哉史魚者也

晉平公欲伐齊使范昭觀焉景之賜之酒酣范昭曰願請君之樽酌公曰酌寡人之樽進之於客范昭已飲晏子曰徹樽更之

罇觶具矣。范昭佯醉不悅而起舞。謂太師曰：能為我調成周之樂乎？吾為子舞之。太師曰：宜。臣不習。范昭趨而出。景公謂晏子曰：晉大國也，使人來將觀吾政也。今子怒大國之使者，將柰何？晏子曰：夫范昭之為人，非陋而不識禮也。且欲試吾君臣，故絕之也。景公謂太師曰：子何以不為客調成周之樂乎？太師對曰：夫成周之樂，天子之樂也。若調之，必人主舞之。今范昭人臣也，而欲舞天子之樂，臣不為也。范昭歸，以告平公。平公曰：齊未可伐也。臣欲試其君，而晏子識之。臣欲犯其禮，而太師知之。仲尼聞之，曰：夫不屈於樽俎之間，而知千里之外，其晏子之謂也。可謂折衝矣。而太師其與焉。

魯君使宓子賤為單父宰。子賤辭去，因請借善書者二人，使書憲書教品。魯君予之。至單父，使書。子賤從旁引其肘，書醜則怒之，欲好書則又引之。書者患之，請辭而去。歸以告魯君。魯君曰：子賤苦吾擾之，使不得施其善政也。乃命有司無得擅徵發單父。單父之化大治。故孔子曰：君子哉！子賤。魯無君子者，斯安取斯。美其德也。

鄒陽獄中上書曰：備聽生姦，獨任成亂。昔魯聽季孫之說，逐孔子。宋信子冉之計，逐墨翟。夫以孔墨之辯，而不能自免，何則？衆口鑠金，積毀消骨也。

鄭人遊于鄉校，以議執政之善否。然明謂子產曰：何不毀鄉校？

子產曰胡為夫人朝夕游焉以議執政之善否其所善者吾將  
行之其所惡者吾將改之是吾師也如之何毀之吾聞為國忠  
信以指怨不聞作威以防怨譬之若防川也大決所犯傷人必  
多吾不能救也不如小決之使導吾聞而樂之也然明曰蔑也  
至吾不信也見家語

哀公問孔子曰寡人生乎深宮之中長於婦人之手寡人未嘗  
知哀也未嘗知憂也未嘗知勞也未嘗知懼也未嘗知危也孔  
子辟席曰吾君之問乃聖君之問也丘小人也何足以言之哀  
公曰否吾子就席微吾子無所聞之矣孔子就席曰然君入廟  
門升自阼階仰見椽棟俯見几筵其器存其人亡君以此思哀

則哀將安不至矣君昧爽而櫛冠平旦而聽朝一物不應亂之  
端也君以此思憂則憂將安不至矣君平旦而聽朝日昃而退  
諸侯之子孫必有在君之門廷者君以此思勞則勞將安不至  
矣君出魯之四門以望魯之四郊亡國之墟列必有數矣君以  
此思懼則懼將安不至矣丘聞之君者舟也庶人者水也水則  
載舟水則覆舟君以此思危則危將安不至矣夫執國之柄履  
民之上慄乎如以厲索御驂馬易曰履虎尾詩曰如履薄冰不  
亦危乎哀公再拜曰寡人雖不敏請事斯語矣

魯哀公問子夏曰必學而後可以安國保民乎子夏曰不學而  
能安國保民者未嘗聞也哀公曰然則五帝有師乎子夏曰有

臣聞黃帝學乎大真、顓頊學乎綠圖、帝學乎赤松子、堯學乎  
非壽、舜學乎務成、跖禹學乎西王、國湯學乎威子、伯文王學乎  
較時子斯、武王學乎郭叔、周公學乎太公、仲尼學乎老聃、此十  
一聖人未遭此師、則功業不著乎天下、名號不傳乎千世、詩曰  
不愆不忘、率由舊章、此之謂也、夫不學不明、古道而能安國家  
者、未之有也。

秦昭王問孫卿曰：儒無益於人之國。孫卿曰：儒者法先王、隆禮  
義、謹乎臣子、而能致貴其上者也。勢在人上、則王公之才也；在  
人下、則社稷之臣、國君之寶也。雖隱於窮閭陋屋、人莫不貴之。  
道誠存也。仲尼爲魯司寇、沈猶氏不敢朝、飲其羊、公慎氏出其

妻、慎潰氏踰境而走、魯之鬻牛馬不豫、賈布正以待之也。居於  
闕黨、闕黨之子弟罔不學、分有親者取多、孝悌以化之也。儒者在  
本朝則美政、在下位則美俗、儒之爲人下如是矣。

孔子北之、山戎氏有婦人哭於路者、其哭甚哀。孔子立輿而問  
曰：曷爲哭哀至於此也？婦人對曰：往年虎食我夫、今虎食我子、  
是以哀也。孔子曰：噫！若是則曷爲不去也？曰：其政平、其吏不苛、  
吾是以不能去也。孔子顧子貢曰：弟子記之。夫政之不平而吏  
苛、乃甚於虎狼矣。詩曰：降喪饑饉、斬伐四國、夫政不平也。乃斬  
我四國、而况二人乎？其不去宜哉。

孔子侍坐於季孫、季孫之宰通曰：君使人假馬、其與之乎？孔子



曰吾聞取於臣謂之取不曰假季孫悟告宰曰自今以來君有取謂之取無曰假故孔子正假馬之名而君臣之義定矣論語曰必也正名詩曰無易由言無曰苟矣可不慎乎

齊有閭丘邛年十八道過宣王曰家貧親老願得小仕宣王曰子年尚稚未可也閭丘邛對曰不然昔者顓頊行年十二而治天下秦項橐七歲爲聖人孔子師由此觀之邛不肖耳年不稚矣宣王曰未有忍角驂駒而能服重致遠者也因此觀之夫士亦華髮墮顛而後可用耳閭丘邛曰不然夫尺有所短寸有所長驂騮騶驥天下之俊馬也使之與狸鼪試於釜龜之間其疾未必能過狸鼪也黃鶴白鶴一舉千里使之與燕服翼試之堂

廉之下廬室之間其使未必能過燕服翼也辟閭巨闕天下之利器也擊石不缺刺石不鏗使之與管橐决目出昧其使未必能過管橐也由此觀之華髮墮顛與邛何以異哉宣王曰善子有善言何見寡人之晚也邛對曰夫雞豚謹噉即奪鐘鼓之音雲霞充咽則奪日月之明讒人在側是以見晚也詩曰聽言則對譖言則退庸得進乎宣王拊軾曰寡人有過遂載與之俱歸而用焉故孔子曰後生可畏安知來者之不如今此之謂也

刺奢

士尹池爲荆使於宋司城子罕止而觴之南家之墻擁於前而不直西家之潦經其宮而不止士尹池問其故司城子罕曰南

家工人也爲鞅者也吾將徙之其父曰吾特爲鞅已食三世矣  
今徙是宋邦之求鞅者不知吾處也吾將不食願相國之憂吾  
不食也爲是故吾不徙西家高吾宮卑潦之經吾宮也利爲是  
故不禁也士尹池歸荆適與兵欲攻宋士尹池諫於王曰宋不  
可攻也其主賢其相仁賢者得民仁者能用人攻之無功爲天  
下笑楚釋宋而攻鄭孔子聞之曰夫修之於廟堂之上而折衝  
於千里之外者可城子罕之謂也

魯孟獻子聘於晉宣子觴之三徙鍾石之懸不移而具獻子曰  
富哉家宣子曰子之家孰與我家富獻子曰吾家甚貧惟有二  
士曰顏回茲無靈者使吾邦家安平百姓和協惟此二者耳吾  
蓋於此矣客出宣子曰彼君子也以養賢爲富我鄙人也以鍾  
石金玉爲富孔子曰孟獻子之富可著於春秋

節士

春秋曰五帝不告誓信厚也

東方有士曰袁族目將有所適而饑於道狐父之盜丘人也見  
之下靈餐以與之袁族目三舖而能視仰而問焉曰子誰也曰  
我孤父之盜丘人也袁族目曰噫汝乃盜也何爲而食我以吾  
不食也兩手據地而歐之不出喀喀然遂伏地而死縣名爲勝  
毋曾子不入邑號朝歌墨子回車故孔子席不正不坐割不正  
不食不飲盜泉之水積正也族目不食而死潔之正也

善謀

樓緩從秦來趙王與樓緩計之曰予秦地與無予孰吉緩辭讓曰此非臣之所能知也王曰雖然試言公之私樓緩對曰亦聞夫公父文伯母乎公父文伯仕於魯病死女子為自殺於房中者二人其母聞之不肯哭也其相室曰焉有子死而不哭者乎其母曰孔子賢人也逐於魯而是人不隨也今死而婦人為自殺者二人若是者必其於長者薄而於婦人厚也從母言是為賢母從妻言是必不免為妬婦其言一也言者異則人心變矣今臣新從秦來而言勿予則非計也言予之恐王以臣為秦也故不敢對使臣得為大王計不如予之王曰諾虞卿聞之曰以

節說也王慎勿予

孔子曰風雨動魚龍仁義動君子

此處為多欄空白或極淡文字，因字跡模糊難以辨認，可能為正文或旁注。

孔聖人土書劉向新序

孔子曰風雨博而大則君子之德也  
禮記卷之五十一

孔聖全書墨子

韓愈讀墨 篇曰儒譏墨以上同兼愛上賢明鬼而孔子畏大  
人居是邦不非其大夫春秋譏專臣不上同哉孔子泛愛親仁  
以博施濟衆為聖不兼愛哉孔子賢賢以四科進褒弟子疾歿  
世而名不稱不上賢哉孔子祭如在譏祭如不祭右曰我祭則  
受福不明鬼哉儒墨同是堯舜同非桀紂同修身正心以治天  
下國家奚不相悅如是哉余以為辯生於末學各務售其師之  
說非二師之道本然也孔子必用墨子墨子必用孔子不相用  
不足為孔墨

賞觀昌黎氏讀墨篇謂其道與聖人相為用誠所謂鑰石亂

金、砥、硤、混、璧也。夫自孟子闢楊墨之後，崇正道者莫若昌黎。尚儕墨於孔如此，他何責哉。

齊景公問晏子曰：孔子爲人何如？晏子不對。公又復問，不對。景公曰：以孔丘語寡人者衆矣，俱以賢人也。今寡人問之而子不對，何也？晏子對曰：嬰不肖，不足以知賢人。雖然，嬰聞所謂賢人者，入人之國，必務合其君臣之親，而弭其上下之怨。孔丘之荆，知白公之謀，而奉之以石乞，君身幾滅，而白公僂。嬰聞賢人得上不虛，得下不危，言聽於君，必利人，教行下，必於上。是以言明而易知也。行易而從也，行義可明乎民，謀慮可通乎君臣。今孔丘深慮同謀以奉賊，勞思盡知以行邪，勸下亂上，教臣殺君。

非賢人之行也。入人之國而與人之賊，非義之類也。知人不遠，趣爲之亂，非仁義之也。逃人而後謀，避人而後言，行義不可明於民，謀慮不可通於君臣。嬰不知孔丘之有異於白公也。是以不對。景公曰：嗚呼！既寡人者衆矣，非夫子，則吾終身不

之與白公同也。孔丘之齊，見景公，景公說，欲封之。以晏子。晏子曰：不可。夫儒浩居而自順者也，不可以教。淫人不可使親治，立命而怠事，不可使導衆。孔丘盛容，蠱世，弦歌鼓舞，以聚徒，繁登降之禮，以示儀，務趨翔之衆，儒學不可使議世，勞思不可索壽，不能盡其學，當年不其禮，積財不能贍其樂，繁飾邪術，以營世君，盛爲聲樂，以

民其道不可以期世其學不可以導衆今君封之以利齊俗非所以導國先衆善於是禮留其封敬見而不問其道孔丘乃志怒於景公與晏子乃樹鵝夷子皮於田常之門告南郭惠子以所欲爲歸於魯有頃閔齊將伐魯告子貢曰賜乎舉大事於今之時矣乃遣子貢之齊因南郭惠子以見田常勸之伐吳以教高國鮑晏使毋得害田常之亂勸越伐吳三年之內齊吳破國之難伏尸以言術數孔丘之誅也孔丘爲魯司寇舍公家而於季孫季孫相魯君而走季孫與邑人爭門闢決植孔丘窮於陳蔡之間藜藿不堪十日子路爲享豚孔丘不問肉之所由來而食號人衣以酤酒孔丘不問酒之所由來而飲哀公迎孔丘席

不端弗坐割不正弗食子路進請曰何其與陳蔡反也孔丘曰來吾語汝曩與女爲苟義夫飢約則不辭妄取以汚身藜藿僞行以自飾汗邪詐僞孰大於此孔丘與其門弟子閒坐曰夫舜見瞽叟然就此時天下坡乎周公旦非其人也邪何爲舍亦家室而託寓也孔丘所行心術所至也其徒屬弟子皆效孔丘子貢季路輔孔悝乎衛陽亂乎孫佛胖以中牟叛求雕刑殘莫大焉夫爲弟子後生其師必脩其言法其行力不足知弗及而後已今孔丘之行如此儒士則可以疑矣

葉公子高問政於仲尼曰善爲政者若之何仲尼對曰善爲政者遠者近之而舊者新之子墨子聞之曰葉公子高未得其問

也仲尼亦未得其所以對也葉公子高豈不知善為政者之遠者近也而舊者新是哉問所以為之若之何也不以人之所不智告人所以智告之故葉公子高未得其問也仲尼亦未得其所以對也

公孟子謂子墨子曰昔者聖王之列也上聖立為天子其次立為卿大夫今孔子博於詩書察於禮樂樂於節物若使孔子當聖王則豈不以孔子為天子哉子墨子曰不然者必尊天事鬼愛人用節合焉為知矣今子曰孔子博於詩書察於禮樂詳於節物而曰可以為天子是數人之齒而以為天子

孔聖全書漢劉安淮南子中卷

夫榮啓期一彈而孔子三日樂感於和鄒忌一微而威王終夕悲感於愛動諸琴瑟形諸音聲而能使人為之哀樂縣法設賞而不能移風易俗者其誠心弗施也

孔子之通智過於長弘勇服於孟賁足躡於郊菟力招城關能亦多矣然而勇力不聞一作不聞伎巧不知專行教道以成素王事亦鮮矣春秋二百四十二年亡國五十二弑君三十六采善鉏醜以成王道論亦博矣然而圍於匡顏色不變絃歌不徹臨死之地犯患難之危據義行理而志不瞬分亦明矣然而為魯司寇聽訟必為斷作為春秋不道鬼神不敢專已夫聖人之智

固已多矣其所守者有約故舉而必榮愚人之智固已少矣其所事者多故動而必窮矣

紂爲象箸而箕子噤魯以偶人葬而孔子嘆見所始則知所終故水出於山入於海稼生乎野而藏乎倉聖人見其所生則知其所歸矣

孔子謂顏回曰吾服汝也忘而汝服於我也亦忘雖然汝雖忘于吾猶有不忘者存孔子知其本也

昔平公出言而不當師曠舉琴而撞之跌袵官壁左右欲塗之平公曰舍之以此爲寡人失孔子聞之曰平公非不痛其體也欲來諫者也韓子聞之曰群臣失禮而弗誅是縱過也有以也

夫平公之不霸也

夫絃歌鼓舞以爲樂盤旋揖讓以脩禮厚葬又喪以送死孔子之所立也而墨子非之

項託七歲爲孔子師孔子有以聽其言也

宓子治冢父巫馬期往觀化焉見夜漁者得小郎釋之非刑之所能禁也孔子爲魯司寇道不拾遺市買不豫賈田漁皆讓長而班白不負戴非法之所能致也夫矢之所以射遠貫牢者弩力也其所以中的剖微者正心也賞善罰暴者政令也其所以能行者精誠也

夫聖人之屈者以求伸也枉者以求直也故雖出邪辟之道行



幽昧之塗將欲以直大道成大功猶出林之中不得直道拯溺  
之人不得不濡足也孔子欲行王道東西南北七十說而無所  
偶故因衛夫人彌子瑕而欲通其道當今之世醜必託善以自  
為解邪必蒙正以自為辟行貨賂趨勢門立私廢公比周而取  
容曰孔子之術也此使君子小人紛然淆亂莫知其是非者也  
故百川竝流不注者不為川谷趨行躋馳不歸善者不為君子  
故善言歸乎可行善行歸乎仁義


孔子脩成康之道述周公之訓以教七十子使服其衣冠脩其  
篇籍故儒者之學生焉

孔子觀桓公之廟有器焉謂之宥卮孔子曰善哉予得見此器  
曰善哉持盈者乎予貢在側曰請問持盈曰益而損之曰何謂  
益而損之曰夫物盛則衰樂極則悲日中而移月盈而虧是故  
聰明睿智守之以愚多聞博辯守之以陋武力彊毅守之以畏  
富貴廣大守之以儉德施天下守之以讓此五者先王所以守  
天下而弗失也反此五者未嘗不危也故老子曰保此道者不  
欲盈夫唯不盈故能弊而不新成

孔子讀易至損益未嘗不憤然而嘆曰益損者其王者之事與  
故物或損之而益或益之而損何以知其然也昔者楚莊王既  
勝晉於河雍之間歸而封孫叔敖辭而不受病疽將死謂其子

曰吾則死矣王必封汝汝必讓肥饒之地而受沙石之間有寢地者其地确石而名醜荆人鬼越人機人莫之利也孫叔敖死王果封其子以肥饒之地其子辭而不受請有寢之丘楚國之俗功臣二世而爵祿唯孫叔敖獨存此所謂損之而益也何謂益之而損昔晉厲公南伐楚東伐齊西伐秦北伐燕兵橫行天下而無所繼威服四方而無所詘遂合諸侯於嘉陵氣充志驕淫侈無度暴虐萬民內無輔拂之臣外無諸侯之助戮弑大臣親近導諛明年出遊匠驪氏藥書中行偃劫而幽之諸侯莫之救百姓莫之哀三月而死夫戰勝攻取地廣而名尊此天下之所願也然而終於身死國下此所謂益之而損者也夫孫叔敖

之請有寢之丘沙石之地所以累世不奪也晉厲公之合諸侯於嘉陵所以身死於匠驪氏也衆人皆知利利而病病也唯聖人知病之爲利知利之爲病也天再寶之木根必傷掘藏之家必有殃以言大利而反爲害也張武教智伯奪韓魏之地而擒於晉陽車叔時教莊王封陳氏之後而霸天下



卷終



